

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: **02-01-071/21**
Mostar, 31.03.2021. godine

IZVOD IZ ZAPISNIKA
sa devete (IX.) vanredne sjednice Skupštine
Hercegovačko-neretvanskog kantona

Sjednica je održana dana 31.03.2021. godine u Sali Centra za kulturu u Mostaru sa početkom rada u 13:00 sati.

Sjednicu je otvorio Šerif Špago, predsjedavajući Skupštine Hercegovačko-neretvanskog kantona.

Budući da je sekretar Skupštine Željka Čule odsutna, Haris Baljić savjetnik predsjedavajućeg Skupštine HNK obavio je prozivku.

Prisutni: Marija Bešker, Slavko Bilić, Marija Bošković, Stana Burić, Damir Džeba, Elvedin Grcić, Mejrima Hasić, Vera Konjevod, Irma Memidžan, Ivan Odak, Andrea Pehar, Milica Pehar, Amir Šelo, Šerif Špago, Alisa Hajdarović, Ismet Lulić, Minela Krpo, Edis Džino, Iva Raguž, Slaven Raguž, Vesna Saradžić, Julineta Jurić, Selma Drljević Đuro Prkačin,

Odsutni: Zora Dujmović, Nevenko Herceg, Tomislav Martinović, Ajdin Teletović, Nermin Vrtić i Aner Žuljević.

Konstatovano je da je na sjednici prisutno **24** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući Skupštine obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Otvorena je rasprava po prijedlogu dnevnoga reda.

U raspravi nije nitko učestvovao.

Obavljeno je glasanje po prijedlogu dnevnoga reda.

Nakon glasanja konstatovano je da je jednoglasno usvojen devni red devete vanredne sjednice Skupštine HNK.

Usvojeni Dnevni red:

- 1. Prijedlog Odluke o davanju saglasnosti na Izmjene i dopune Finansijskog plana Zavoda zdravstvenog osiguranja HNK za 2021. godinu;**
- 2. Informacija o epidemiološkoj situaciji u HNK.**

AD 1. Prijedlog Odluke o davanju saglasnosti na Izmjene i dopune Finansijskog plana Zavoda zdravstvenog osiguranja HNK za 2021. godinu

Obrazloženje je dao Andrej Čović, rukovodilac Sektora za podršku poslovanja Zavoda zdravstvenog osiguranja HNK

Otvorena je rasprava.

U raspravi su učestvovali: Stana Burić, Slaven Raguž, Marija Bešker, Ivan Odak, Andrej Čović, Đuro Prkačin i Šerif Špago.

Obavljeno je glasanje o Prijedlogu Odluke o davanju saglasnosti na Izmjene i dopune Finansijskog plana Zavoda zdravstvenog osiguranja HNK za 2021. godinu.

Većinom glasova „Za“, uz 1 „Suzdržan“ glas, usvojen je Prijedlog Odluke o davanju saglasnosti na Izmjene i dopune Finansijskog plana Zavoda zdravstvenog osiguranja HNK za 2021. godinu.

AD 2. Informacija o epidemiološkoj situaciji u HNK

Obrazloženje su dali Branka Bošković pomoćnica ministra zdravstva, rada i socijalne zaštite HNK, dr. Nermin Avdić direktor Zavoda za javno zdravstvo HNK, Slađan Bevanda ministar unutarnjih poslova HNK i Rašid Hadžović ministar obrazovanja, nauke, kulture i sporta u Vladi HNK.

Otvorena je rasprava.

U raspravi su učestvovali: Ismet Lulić, Alisa Hajdarević, Amir Šelo, Stana Burić, Slaven Raguž, Vesna Saradžić, Đuro Prkačin, Šerif Špago, Damir Džeba, Slađan Bevanda, ministar unutarnjih poslova HNK i dr. Nermin Avdić, direktor Zavoda za javno zdravstvo HNK.

Zastupnik Ismet Lulić predložio je slijedeći Zaključke:

Zaključak 1: Obavezuje Zavod za zdravstveno osiguranje HNK-a da ukoliko postoji potreba za primjenom lijekova koji su se u dosadašnjem periodu pokazali kao korisni, kao produktivni u liječenju COVIDA, da se obezbjeđe putem bolničke liste.

Zaključak 2: Nalaže se zdravstvenim ustanovama u HNK-a da u pružanju zdravstvene zaštite u slučaju oboljenja COVIDA ili sumnje na COVID ne zahtijevaju dokaz o zdravstvenom osiguranju.

Zaključak 3: Nalaže se Vladi HNK-a i Ministarstvu zdravstva HNK-a da hitno oformi i kapacitira mobilne timove pri domovima zdravlja, koji bi bili na raspolaganju građanima oboljelih od koronavirusa koji su kod kuće i u potrebi su za terapijom.

Zaključak 4: Obavezuje se Vlada HNK-a da u što kraćem vremenskom roku svim zdravstvenim ustanovama, ustanovama socijalne zaštite, ustanovama za djecu sa poteškoćama u psihofizičkom razvoju, ukoliko traže usluge psihologa i psihoterapeuta odgovore pozitivno ukoliko je zahtjev opravdan, kako bi stručnjaci iz oblasti mentalnog zdravlja što brže i bez odgađanja bili na raspolaganju građanima HNK-a u nepovoljnoj epidemiološkoj situaciji koja je dovela do opasnosti po mentalno zdravlje građana, a među kojima su i pripadnici najranjivije populacije koji koriste usluge ovih ustanova.

Zaključak 5: Nalaže se Vladi HNK-a da putem Civilne zaštite HNK-a odmah formira timove, a u koje bi angažirali volontere za pomoć i podršku starijim i ugroženim kategorijama građana oboljelih od koronavirusa i da se svi službeni automobili Vlade, ministarstava i javnih preduzeća kao i vozači stave u službu timova za područje starije populacije i kućnih testiranja.

Zaključak 6: Nalaže se Vladi HNK-a i Ministarstvu zdravstva, rada i socijalne zaštite HNK-a, odmah nabavku dodatne količine medicinskog kiseonika, zaštitne medicinske opreme za potrebe bolnica i domova zdravlja i da ograniče cijene laboratorijskih nalaza, testova i svih drugih usluga vezanih za dijagnostiku i liječenje COVID pacijenata u privatnim zdravstvenim ustanovama.

Zaključak 7: Nalaže se Vladi HNK-a i Ministarstvu zdravstva, rada i socijalne zaštite HNK-a, da poduzme sve pravne radnje i da odmah osigura da domovi zdravlja u HNK-a

organiziraju rad u 3 smjene, a u skladu sa zakonom, kao i da se osigura da sve javne zdravstvene ustanove na području našeg kantona, kao i privatne ugovorne zdravstvene ustanove, stave odmah i bez odlaganja na raspolaganje sve svoje ljudske i materijalne resurse u borbi protiv pandemije.

Zaključak 8: Nalaže se Vladi HNK-a da ograniči marže na lijekove i imunooške dodatke vezane za liječenje i prevenciju COVIDA u svim ugovorenim apotekama, da se putem domova zdravlja odmah formiraju mobilni timovi za testiranje građana koji imaju razvijene simptome na kućnim adresama jer su domovi zdravlja i privatne zdravstvene ustanove postali žarišta širenja koronavirusa.

Zastupnik Amir Šelo predložio je slijedeći Zaključak:

Zaključak 1: Skupština HNK-a poziva MUP HNK-a da po hitnom postupku predloži Izmjene i dopune Zakona o javnom redu i miru HNK-a, Službene novine broj 9/09, koji će predvidjeti mogućnost izricanja prekršaja i novčanih kazni za nepoštivanje mjera izrečenih od strane nadležnih kriznih štabova u HNK-a.

Predsjedavajući Skupštine HNK Šerif Špago predložio je slijedeće Zaključke:

Zaključak 1: Skupština HNK-a poziva građane kantona i sva pravna lica da dosljedno poštuju epidemiološke mjere propisane od nadležnih institucija.

Zaključak 2: Skupština HNK-a izražava zahvalnost svim zdravstvenim radnicima u kantonu na nadljudskim naporima koje čine u pružanju zdravstvene zaštite građanima kantona, a posebno oboljelim od COVID-19.

Zaključak 3: Skupština HNK-a traži da inspekcijski organi jedinica lokalne samouprave i nadležnih ministarstava i drugih organa HNK-a intenziviraju svoje aktivnosti na kontroli poštivanja važećih epidemioloških mjera.

Zaključak 4: Zadužuje se Vlada HNK-a da hitno pokrene izmjene zakona ili donese odluke kojima će pooštriti sankcije za prekršaje nepoštivanja važećih epidemioloških mjera.

Zaključak 5: Zbog povećanih troškova rada zdravstvenih ustanova u HNK-a zadužuje se Vlada HNK-a da odmah donese potrebne odluke iz Budžeta HNK-a za 2021. godinu i transferira ukupna sredstva za drugi kvartal sa stavke grant općinama (domovi zdravlja) i subvencije za bolnice.

Zaključak 6: Skupština HNK-a traži od Vlade F BiH da u što kraćem roku izvrši raspodjelu sredstava iz Budžeta F BiH koja su predviđena za zdravstvene ustanove. Skupština HNK-a očekuje da se po mjerljivim i tačno utvrđenim kriterijima sredstva dodijele svim bolničkim ustanovama u F BiH.

Zaključak 7: Skupština HNK-a posebno insistira da se u obrazovnim ustanovama u HNK-a poduzmu sve potrebne epidemiološke mjere kako bi se bez rizika za učenike, studente i nastavno osoblje završila školska i akademska godina uz što manje online nastave.

Zaključak 8: Skupština HNK-a zadužuje Vladu HNK-a da izmijeni Odluku o pokretanju postupka javne nabavke broj od 26.02.2021. godine i da od ukupnog iznosa sredstava planiranih tom odlukom 1/3 bude izdvojena za nabavku lijekova, neophodne zaštitne opreme i drugih sredstava u zdravstvenim ustanovama kantona, kao i zaštitnih sredstava i sredstava za higijenu u obrazovnim ustanovama HNK-a.

Zaključak 9: Skupština HNK-a traži da sve javne zdravstvene ustanove u kantonu osiguraju pravo na zdravstvenu zaštitu građanima kantona po osnovu zdravstvenog osiguranja.

Pozivamo Sindikate zaposlenih u zdravstvu da prihvate ponudu Vlade HNŽ/K za zaključenje Kolektivnog ugovora, imajući u vidu da je u trenutnoj situaciji to jedino rješenje koje se može ispoštovati.

Zadužuje se Vlada HNK-a da kontinuirano radi na poboljšanju ukupnog stanja u oblasti zdravstva u HNK-a, sa težištem na povećanje prava pacijenata i preduzimanje mjera koje će unaprijeđivati materijalni status zdravstvenih radnika.

Usljedila je pauza od 30 minuta radi usuglašavanja predloženih Zaključaka.

Nakon pauze i usuglašavanja oko navedeni zaključaka predsjedavajući Skupštine Šerif Špago pročitao je **Zaključak Skupštine HNK:**

1) Izuzetno kad stanje epidemiološke situacije u kantonu ne dozvoljava održavanje sjednice Skupštine HNK-a na način propisan Poslovníkom Skupštine HNK-a, kolegij Skupštine HNK-a može odlučiti da se sjednica održi online korištenjem informacionog sistema koji podržava prijenos video konferencije ili putem aplikacija, programa i drugih elektronskih platformi za direktnu glasovnu i video komunikaciju.

2) U slučaju sazivanja sjednice Skupštine u skladu sa tačkom 1 ovog zaključka odlučivanje na sjednici vrši se pojedinačnim izjašnjavanjem poslanika.

3) Zaključak stupa na snagu danom donošenja, a objavit će se u Službenim novinama HNK-a.

Obavljeno je glasanje o navedenom Zaključku.

Nakon glasanja konstatovano je Zaključak jednoglasno usvojen.

Predsjedavajući Skupštine pročitao je **Zaključke** koji su usuglašeni od predlagача zaključaka Šerifa Špage, Ismeta Lulića i Amira Šele.

Zaključak 1: Skupština HNK-a poziva građane Kantona i sva pravna lica da dosljedno poštuju epidemiološke mjere propisane od nadležnih institucija.

Zaključak 2: Skupština HNK-a izražava zahvalnost svim zdravstvenim radnicima u Kantonu na nadljudskim naporima koje čine u pružanju zdravstvene zaštite građanima Kantona, posebno oboljelim od COVID-19.

Zaključak 3: Skupština HNK-a traži da inspekcijski organi jedinica lokalne samouprave i nadležnih ministarstava i drugih organa HNK-a intenziviraju svoje aktivnosti na kontroli poštivanja važećih epidemioloških mjera.

Zaključak 4: Zadužuje se Vlada HNK-a da pokrene izmjene i dopune važećih zakona u cilju definisanja sankcija za kršenje propisanih epidemioloških mjera.

Zaključak 5: Zbog povećanih troškova rada zdravstvenih ustanova u HNK-a, zadužuje se Vlada HNK-a da odmah donese potrebne odluke i iz Budžeta HNK-a za 2021. godinu transferira ukupna sredstva za drugi kvartal sa stavki „Grant općinama (domovi zdravlja) i „Subvencije za bolnice“.

Zaključak 6: Skupština HNK-a traži od Vlade F BiH da u što kraćem roku izvrši raspodjelu sredstava iz Budžeta F BiH, a koja su predviđena za zdravstvene ustanove. Skupština HNK-a očekuje da se po mjerljivim i tačno utvrđenim kriterijima sredstva dodjele svim bolničkim ustanovama u F BiH.

Zaključak 7: Skupština HNK-a posebno insistira da se u obrazovnim ustanovama u HNK-a preduzmu sve potrebne epidemiološke mjere kako bi se bez rizika za zdravlje učenika, studenata i nastavnog osoblja završila školska i akademska godina uz što manje online nastave.

Zaključak 8: Skupština HNK-a zadužuje Vladu HNK-a da razmotri mogućnost izmjene Odluke o pokretanju postupka javne nabavke od 26.02.2021. godine te da eventualno izdvoji sredstva na ime povećanih troškova u zdravstvenim ustanovama kantona u toku pandemije.

Zaključak 9: Skupština HNK-a traži da sve javne zdravstvene ustanove u Kantonu osiguraju prava na zdravstvenu zaštitu građanima Kantona.

Pozivamo sindikate zaposlenih u zdravstvu da prihvate ponudu Vlade HNK-a za zaključenje Kolektivnog ugovora imajući u vidu da je u trenutnoj situaciji to jedino rješenje koje se može ispoštovati.

Zadužuje se Vlada HNK-a da kontinuirano radi na poboljšanju ukupnog stanja u oblasti zdravstva u HNK-a sa težištem na osiguranje potpunog obima prava pacijenata kao i preduzimanju mjera koje će unaprjeđivati materijalni status zdravstvenih radnika.

I prihvaćeni prijedlozi zastupnika Lulića:

- 1. Da Zavod zdravstvenog osiguranja HNK-a razmotri mogućnost sufinansiranja lijekova za liječenje COVID pacijenata, a koji se ne nalaze na bolničkoj listi lijekova.**
- 2. Intenzivirati rad centara za mentalno zdravlje pri domovima zdravlja u cilju pravovremenog pružanja psihosocijalne pomoći.**
- 3. Predlaže se Vladi HNK-a i jedinicama lokalne samouprave da putem Civilne zaštite formiraju timove, a u koje bi anagažirali i volontere za pomoć i podršku starijim i ugroženim kategorijama građana oboljelim od koronavirusa.**

Obavljeno je glasanje o svim navedenim Zaključcima.

Većinom glasova „Za“, uz 1 „Protiv“ glas, usvojeni su navedeni Zaključci.

Sjednica je završena u 16:30 sati.

Zapisničar
Dario Topić

Predsjedavajući
Šerif Špago